

法供養品第十三

(一) 福不可量

爾時，釋提恒因於大眾中白佛言：「世尊！我雖從佛及文殊師利聞百千經，未曾聞此——			① 不可思議、 ② 自在神通、 ③ 決定實相經典。	
如我解佛所說義趣：若有眾生聞此經法，信解、受持、讀誦之者，必得是法不疑，何況如說修行！斯人則為——		① 閉眾惡趣，開諸善門； ② 常為諸佛之所護念； ③ 降伏外學，摧滅魔怨； ④ 修治菩提，安處道場； ⑤ 履踐如來所行之跡；	世尊！	① 若有受持、讀誦，如說修行者，我當與諸眷屬，供養給事； ② 所在聚落、城邑、山林、曠野，有是經處，我亦與諸眷屬，聽受法故，共到其所。 ③ 其未信者，當令生信；其已信者，當為作護。」
佛言：「善哉！善哉！善哉！」	天帝！	如汝所說，吾助爾喜。此經廣說過去、未來、現在諸佛不可思議阿耨多羅三藐三菩提。是故：		
	天帝！	若善男子！善女人！受持、讀誦、供養是經者，則為供養去、來、今佛。		
	天帝！	正使三千大千世界，如來滿中，譬如甘蔗、竹葦，稻麻、叢林；若有善男子！善女人！或以一劫，或減一劫，恭敬、尊重，讚歎、供養，奉諸所安；至諸佛滅後，以一一全身舍利，起七寶塔，縱廣一四天下，高至梵天，表刹莊嚴；以一切華香、瓔珞，幢幡、伎樂，微妙第一，若一劫，若減一劫，而供養之。		
	天帝！	於意云何？其人植福，寧為多不？」		
釋提桓因言：「甚多，世尊！彼之福德，若以百千億劫，說不能盡。」				
佛告天帝：「	當知是善男子！善女人！聞是不可思議解脫經典，信解、受持，讀誦、修行，福多於彼。	所以者何？	① 諸佛菩提皆從此生； ② 菩提之相不可限量。	以是因緣，福不可量。」

(二) 法供養勝

佛告天帝：「	過去無量阿僧祇劫，時世有佛，號曰：		藥王如來、應供、正遍知、明行足、善逝、世間解、無上士、調御丈夫、天人師、佛、世尊。		
	世界名：		大莊嚴。		
	劫名：		莊嚴。		
	佛壽：		二十小劫。		
	其聲聞僧：		三十六億那由他。		
	菩薩僧：		有十二億。		
	天帝！	是時，有轉輪聖王，名曰『寶蓋』，七寶具足，王四天下。王有千子，端正勇健，能伏怨敵。爾時，寶蓋與其眷屬，供養藥王如來，施諸所安，至滿五劫。過五劫已，告其千子：『汝等亦當如我，以深心供養於佛。』於是，千子受父王命，供養藥王如來，復滿五劫，一切施安。			
		其王一子，名曰『月蓋』，獨坐思惟：『寧有供養殊過此者？』以佛神力，空中有天曰：『善男子！法之供養，勝諸供養。』			
		即問：『何謂法之供養？』			
		天曰：『汝可往問藥王如來，當廣為汝說法之供養。』			
即時，月蓋王子行詣藥王如來，稽首佛足，卻住一面，白佛言：『世尊！諸供養中，法供養勝，云何名為法之供養？』					
佛言：		① 『善男子！法供養者，諸佛所說深經，一切世間難信、難受，微妙難見，清淨無染，非但分別思惟之所能得。		是名法之供養。	
		② 菩薩法藏所攝，陀羅尼印印之，至不退轉，成就六度，善分別義。			
		③ 順菩提法——眾經之上，入大慈悲，離眾魔事，及諸邪見。			
		④ 順因緣法——無我、無人、無眾生、無壽命；空——無相、無作、無起。			
		⑤ 能令眾生坐於道場而轉法輪，諸天龍神，乾闥婆等，所共歎譽；			
		⑥ 能令眾生入佛法藏，攝諸賢聖一切智慧。			
		⑦ 說眾菩薩所行之道，依於諸法實相之義，明宣：無常、苦、空、無我、寂滅之法。			
		⑧ 能救一切毀禁眾生、諸魔外道及貪著者，能使怖畏，諸佛賢聖所共稱歎。			
		⑨ 背生死苦，示涅槃樂，十方三世諸佛所說，若聞如是等經，信解、受持、讀誦，以方便力，為諸眾生分別解說，顯示分明，守護法故。			

		又於諸法，如說修行，隨順十二因緣，離諸邪見，得無生忍。	① 決定無我、無有眾生；而於因緣、果報，無違、無諍，離諸我所。 ② 依於義，不依語；依於智，不依識；依了義經，不依不了義經；依於法，不依人。 ③ 隨順法相，無所入，無所歸。 ④ 無明畢竟滅故，諸行亦畢竟滅；乃至生畢竟滅故，老死亦畢竟滅。 ⑤ 作如是觀，十二因緣，無有盡相，不復起相。	是名最上法之供養。』
佛告天帝：「	王子月蓋從藥王佛聞如是法，得柔順忍，即解寶衣嚴身之具，以供養佛，白佛言：『世尊！如來滅後，我當行法供養，守護正法。願以威神加哀建立，令我得降伏魔怨，修菩薩行。』佛知其深心所念，而記之曰：『汝於末後，守護法城。』			如是，天帝！當知此要：以法供養於諸供養，為上、為最，第一無比。
	天帝！	① 時王子月蓋，見法清淨，聞佛授記，以信出家，修集善法。精進不久，得五神通，具菩薩道，得陀羅尼，無斷辯才。於佛滅後，以其所得神通、總持、辯才之力，滿十小劫，藥王如來所轉法輪隨而分布。 ② 月蓋比丘以守護法，勤行精進，即於此身，化百萬億人於阿耨多羅三藐三菩提，立不退轉；十四那由他人，深發聲聞、辟支佛心；無量眾生，得生天上。		
	天帝！	① 時王寶蓋，豈異人乎！今現得佛，號『寶焰如來』。 ② 其王千子，即賢劫中千佛是也；從迦羅鳩孫馱為始得佛，最後如來，號曰『樓至』。 ③ 月蓋比丘，則我身是。		
	是故，天帝！當以法之供養，供養於佛。」			